

四川通志卷十八

輿地志 十七

山川 九

西川故名

與望君山相近

以山在縣東四里隔涪江修阜若長城上有蘇公

泉暨石塔諸勝以山在縣東故名附唐杜甫陪王侍御登東山宴

姬通泉晚攜酒泛江詩姬公美政誰與儔不減昔時陳太邱邑中上客有柱史多暇日陪驄馬遊束

山高頂羅珍饈下顧城郭銷我憂清江白日落欲盡復攜美人登綵舟笛聲憤怨哀中流妙舞透迤

四川通志 卷十八 輿地 山川 一 潼川府一

夜未休燈前往往大魚出聽曲低昂如有求三更
風起寒浪湧取樂喧呼覺船重滿空星河光破碎
四座賓客色不動請公臨深莫相違迴船罷酒上
馬歸人生歡會豈有極無使霜露霑人衣宋魏了
翁詩人生出處亦何常又到涪江江上鄉山色如
逢故人語松聲仍作去年香紅裳大舶滿清鏡翠
澱白沙明夕陽未省此歡何日更擬邀明月照昏
黃陸游詩今日之集何佳哉入關劇飲始此回登
山正可小天下跨海何用尋蓬萊青天肯爲陸子
見妍日似趣梅花開有酒如涪綠可愛一醉直欲
空千疊馳酥鷺黃出隴右熊肪玉白黔南來眼花
耳熱不知夜但見銀燭高花摧京華故人死大半
歡極往往潛生哀聊將豪縱壓憂患鼓吹動地聲
如雷

牛頭山在縣西南二里形如伏牛古刻牛頭二字

於崖

元和志牛頭山名華林山四面危絕寰宇記
牛頭山在鄆縣西南二里山高一里形似

頭四面孤絕峭壁下有長樂寺樓閣烟花爲
一方之勝概九州要記牛頭山葛仙翁多遊於此
今立寺與白獸山相連秦時有白獸爲害夷人射
之因刻石於此山遺像尙存
印臺山在縣南二里山方面頂圓其形如印逆水
而上倒影於凱涪二水之間旁立三小峯山半有
慈雲洞洞有鑒泉

來袞山在縣北明知州劉自鉉建亭於上

雲山在縣南二里

龍頂山在縣西三里蜿蜒於牛頭山之後其狀如

龍

三臺山在縣西五里突起三級蔚然奇秀遠近瞻

望如台星之拱照縣因此名山腰石洞相傳魯交

修煉於此

名勝志州西五里三臺山下有魯交洞交讀書於此卽宋仁宗平錄其清夜吟

者

國朝費元龍詩斗牛高拱臺星移螺髻聳翠烟雲垂帝

遣五丁施神巧剏削峻嶺成堦墀臺級三層插銀

漢登天不駕蛟龍螭靈峯雲臺比肩立衆山俯瞰

皆平夷我聞魯交此修煉白石煮爛青松炊甯然

古洞藥竈冷瑤草翳翳霞紛披梓州名山難悉數

似此律岑稱雄奇涪江鄣水衍一派牛頭犖確猶

菊支頗怪杜陵老騷客茲山何獨慳題詩牛頭曾

搆小亭子至今不復畱茅茨齊梁棟宇僅片石苔

蘚漫漶眠荒碑何如三臺爭不朽以山名邑常如

斯幾椽佛舍足遊憩安用布地黃金爲上躡絕頂

盪胸目盡羅勝概增吟思從菊指點前賢跡翻今

衆論滋猜疑當年歌詠偶寄託桑田滄海疇能知
大抵地靈藉人傑山靈固有興衰時長嘯一聲振
林谷呼朋痛飲傾千卮張松孫詩振衣躡高岡憑
仗濟勝力一蹴踞其巔如挾排虛翮俯仰山水涵
餘清冥漠雲天掃空碧盪胸決眚少拘礙鶴林春
市畱遺跡憶昔文貞避亂來攜家曾作梓州客飄
零幸賴使君賢逢迎因遇文章伯地以人傳山亦
靈山得詩題名不沒禽鳥無聞林木稀碑碣多殘
姓氏闕望中山色晚霞紅眼底江聲匹練白依然
城郭傷牛頭已歷滄桑失故宅我來爲郡數登臨
仰止心殷時代隔花濃竹細誦清吟棟宇齊梁存
片石安得布地有黃金山寺重營向山脊

長谷山在縣南十里

天柱山在縣北

寰宇記天柱山在涪城縣高二里
四面平衍上有重峯高百餘步孤

秀如柱故名

金魚山在縣南五里巖半有老君洞

長平山在縣北二里岡隴延長數十里而平坦故

名有甘泉

高僧傳梓州城北有白門蘭若在長平山即北崖山也

金字山在縣東二十里

鷺山在縣西五十里又西十里有雲鶴山

茶堵山在縣東十里相傳有仙煮茶於此

雲頂山在縣南十里逶迤層疊頂如雲盤相近爲

五泉山山椒有五泉分流宋德敷禪師同黃魯直

煉習於此

附宋王雍詩五色琉璃別畫寒當年佛脚印旃檀藕絲織出三衣妙只葉經傳

蜀難夜看聖燈紅
名曉驚飛石碧琅玕吏聞
鸚鵡因緣塔八十山僧試說看

紫蓋山在縣西三十里下有柳溪書崖

畱使山在縣東三十里唐李絳爲川東節度使去

任民情愛戴於此遮道畱之故名

古樓山在縣東三十里層巒疊峙狀如樓閣董仲

真人修煉於上有石室鄉人禱雨輒應九域志東關縣有鼓

樓山

鍾山在縣東五十里形如覆鍾山腰有泉味甘附明

董仲詩英英靈氣峯千出
泱泱幽泉石夢寒采藥
不知何處是白雲引我到鍾山

輿地
山川
潼川府四

黃龍山在縣東三十里疊嶂層巒一峯獨出橫枕於桃花溪上

五層山在縣北五十里山有重岡五層故名

寰宇記五

層山在涪城縣北二十五里

映溪山在縣東五十里高岡逶迤峯巒如半月山麓有雙溪合流日出時山影映照波心

雲鶴山在縣西六十里去東十里爲鷺山舊傳有異人嘗止於此

鳳山在縣東五十里峯岫翱翔其形如鳳

浮山在縣南二十里涪江水面突起一峯旁有澗水曲折環繞故名

觀鹿山在縣北八十里

馬頭山在縣北六十里山勢昂起形如馬首上有

石塔

雲臺山在縣南百里山形如臺高插雲漢

府志雲臺山大

石上有梅花雨過則見其下有洞相傳省庵真人銅棺鐵槨在焉

望君山在縣南七十里杜甫嘗登山望闕大書望

君山三字於上山腰有泉曰明真泉又有文峯山

西人通志 卷十六
與望君山相近

赤巖山在縣南七里凱水上巖皆丹赤下有蛙石

磯

宜君山在縣南一百二十里諸葛武侯屯兵於此

望川山在縣南一百二十里高出重霄絕頂可望

西川故名

金鷺山在縣東六十里高山連峙勢如長城與鹽

亭縣接壤

香積山在縣西北五十里北枕涪江

寰宇記香積山在涪城縣

東南三里

海會山在縣北四十里

萬峯山在縣東北五十里有萬峰朝拱之勢

石城山在縣東五十里四面如城

盤龍山在縣西南一里有回巒洞

馬躍巖在縣南二里輿地紀勝在州南十里下有龍潭名勝志相傳唐易元子

乘馬至巖上忽躍入水中化為龍故名

魁字巖在縣東二里上連東山下臨涪水石壁大

書魁字映澈碧流

羅漢洞方輿勝覽牛頭山有羅漢洞在巖之半神僧傳牛頭山半有洞人傳入百里與眉州

通會有避罪者匿其中後於青神中巖見之舊志牛頭山又有清涼洞一名靈隱洞

涪江在縣東北自縣州流入縣境九十里至縣城

轉東南合中江逕射洪縣東過蓬溪縣西界又逕

遂寧縣東入重慶府合州界水經注涪水東南經南安郡南又南與金

堂水會又南枝津出焉西經廣漢五城縣為五城

水又西至成都入於江元和志涪江水經郫縣東去縣四里流入射洪縣在縣東一百步灘十七所

又逕通泉縣東三里又逕長江縣南去縣二百五

步又逕方義縣北去縣入十步又逕青石縣南去縣一里寰宇記涪江在郫縣西二百里自涪城縣東南流入縣界合中江流入射洪縣屈曲二十里

通遂州舊州志唐時以涪江逼近城址橫溢為患

乃鑿江東嚙地別爲新江東北注至宋漸湮水復
衝齧慶元中提刑王勲依江堦伐石爲堤謂之王
公堤舊志涪江自縣州入潼川境九十里至府城
北轉東南合中江又四十里入射洪縣界東南流
三十里至縣城東又二十里至獨坐山下合梓潼
水轉南曲流四十里入蓬溪縣界經縣西五十里
又四十里入遂寧縣界五十里經縣城東又一百
二十里入廢安居縣界附唐孫樵移江記涪潦於
鄴迫城如蟠淫潦漲秋狂瀾陸高突隄嚙涯包城
蕩墟歲殺州民以爲官憂榮陽公始至則思所以
洗其患頗聞前觀察使欲鑿江東嚙地別爲新江
使東北注流五里復匯而東卽堤墟舊江使水道
與城相遠以薄江怒遂命武吏發卒三千跡其前
謀役興三月功不可就有謁於榮陽公曰公開新
江將挾民憂然江勢不可決訛言不可絕公將何
以終之榮陽公曰吾欲厚其直以勸其卒可乎對
曰饑卒賴厚直民惜其田以覲得不可榮陽公曰
吾欲戮其將以動其卒可乎對曰代之將者必苦

吾卒卒若叛不可榮陽公曰奈何對曰夫民可與
 樂終難與圖始自役興以來彼其民曰夏王鞭促
 萬靈以導百川今果能改夏王跡耶非徒無功抑
 有後災羣疑牽縣民心蕩搖前時觀察欲鑿新江
 中輟議而罷豈病此耶公卽能先隄民言新江可
 度日而決也榮陽公諾明日視政加猛決獄加斲
 又明日杖殺左右有所貳事鞭官吏有所阻政者
 遂下令曰開新江非我家事將脫鄰民於魚禍耳
 民敢橫議者死鄰民以榮陽公嘗爲京兆旣憚其
 猛及是民心大慄羣古如斬未幾而新江告成榮
 陽公歡出臨視班賞罷卒已而歎曰民言不隄新
 江其不決耶新江長步一千五百濶十分其長之
 二深七分其濶之一盤隄旣隆舊江遂墟凡得田
 五百畝其年七月水果大至雖踰防稽陸不能病
 民其績宜何如哉榮陽公旣以上聞有司劾其不
 先白詔奪俸錢一月之半樵嘗爲褒城驛記恨所
 在長吏不肯出毫力以利民觀榮陽公以開新江
 變譴豈立事者亦未易耶是歲開成五年也唐

甫浩江泛舟送韋班歸家詩山饒同川日傷春
水閒飄零爲客久衰老羨君遠花遠重重樹雲輕
處處山天涯故人少更益髯毛斑
國朝王士正詩十日巴西雨艱難到梓州晚晴見涪水
清絕抱南樓不見千頭橘空驚萬里秋尙餘登覽
興畱眼望牛頭

中江在縣西南一里自縣州流入經中江縣南又

東經縣南入涪江卽古五城水也東晉義熙初益

州刺史毛璩討桓振使參軍譙縱等出涪水卽此

水經注涪水枝津西逕廣漢五城縣爲五城水元

和志內江水本名中江經元武縣南去縣百步寰

宇記中江在鄆縣西南三里從元武縣東界流入

當縣西南八十餘里入涪江舊志俗名西橋河又

名凱江自羅江縣流入中江縣境東南曲流六十

里至縣城西又折東繞城南合東溪又東南流五

里至縣城西又折東繞城南合東溪又東南流五

里合余家河又東北曲流四十里入潼川州界又東七十里合西溪過城南入涪江按輿圖謂之羅江河

鄴江在縣南一百里自中江縣界發源東流經縣

城南至蓬溪縣入涪江隋地理志元武縣有鄴江元和志鄴江水經銅山縣

南五里又經飛鳥縣北四十里寰宇記鄴江水源出元武縣東南流入銅山縣界又飛鳥縣有小鄴

江源出縣西南蓬池鄉小山下東流至縣郭又七

十六里合鄴江輿地紀勝鄴江源出銅山縣赤崖溪流逕飛鳥會衆流入長江舊志源出中江縣銅

山水色澄清如玉亦曰玉江東流過雲臺山經潼川南百里又東至蓬溪縣明水寨入涪原按輿圖

水有三源一出潼川南界一出中江縣東南界皆東南流至蓬萊鎮西北合而為一出樂至縣北界東北流至蓬萊鎮東合流即寰宇記之小鄴江